
Martinović d.o.o. Bojnička 19 BA-71210 Sarajevo-Ilidža

Opći uvjeti poslovanja (OUP)

Član 1.

Preduzeće Martinović d.o.o. Sarajevo obavezuje se da će po potvrđenim nalogima za utovar izvršiti prijevoz robe u dogovorenom roku te da će svaku voznu jedinicu osigurati od odgovornosti prijevoznika.

Član 2.

Preduzeće Martinović d.o.o. Sarajevo obavezuje se da će u međunarodnom transportu robe u ime stranke izvršiti nadležnim organima uredno prijaviti pošiljku na carinsku proceduru po priloženoj dokumentaciji od strane pošiljaoca tj. pravnog lica koje ga zastupa.

Član 3.

Poručioc prijevoza kao i pošiljaoc robe ili pravno lice koje ga zastupa u potpunosti snose odgovornost za ispravnost carinske dokumentacije i tačnost svih podataka o vrsti, vrijednosti, količini, težini ili porijeklu robe u međunarodnom transportu.

Član 4.

Preduzeće Martinović d.o.o. Sarajevo zadržava pravo na korekciju ugovorene cijene prijevoza u slučaju bilo kakvih naknadnih promjena u pogledu vrste, vrijednosti, količine robe mjesta utovara ili termina preuzimanja i isporuke robe.

Član 5.

U slučaju storniranja već započetog prijevoza, nemogućnosti izvršenja prijevoza krivnjom pošiljaoca, primaoca ili poručioca istog, preduzeće Martinović d.o.o. Sarajevo zadržava pravo na naplatu dijela (minimalno 50%) ili cjelokupne ugovorene cijene prijevoza.

Član 6.

U slučaju nepoštivanja termina utovara od strane pošiljaoca preduzeće Martinović d.o.o. Sarajevo će poručiocu prijevoza uvećati cijenu prijevoza za iznos od 20 KM po satu čekanja do maksimalno 5 sati. Za zadržavanja duža od 5 sati kao i za svaki sljedeći započeti kalendarski dan, iznos će se uvećati za 150 KM.

Član 7.

Poručioc prijevoza obavezuje se da će svoje obaveze plaćanja usluge prijevoza robe izvršiti u dogovorenom roku. U protivnom preduzeće Martinović d.o.o. Sarajevo zaračunati će zakonom propisanu zateznu kamatu na svaki dan prekoračenja valute računa.

Član 8.

U slučaju spora nadležan je Kantonalni Sud u Sarajevu.